

თურქოლოგია (Turkish Studies)

BA

სავალდებულო კურსები
(Compulsorily courses)

1. თურქული ენა 1

Turkish language 1

კურსის ფარგლებში სტუდენტი მიიღებს საბაზისო ცოდნას თურქული ენის მორფოლოგიასა და სინტაქსში; შეიძენს თურქული ენის ლექსიკურ მარაგს; კურსის მსვლელობისას გათვალისწინებულია კითხვის, წერის, მოსმენისა და ზეპირმეტყველების ელემენტარული უნარ-ჩვევების გამომუშავება.

2. თურქული ენა 2

Turkish language 2

კურსის ფარგლებში გათვალისწინებულია თურქულად კითხვის, თარგმნის, აზრის გამოხატვის, ასევე ლექსიკონის გამოყენების პრინციპებისა და უნარ-ჩვევების გამომუშავება. თურქული ენის თეორიული გრამატიკის ელემენტების სწავლა-გაცნობიერება; ნაცნობი, ყოველდღიური ხმარების გამონათქვამების, მარტივი წინადადებების აგებისა და კონტექსტში სწორად გამოყენების შესწავლა.

3. თურქული ენა 3

Turkish language 3

კურსის ფარგლებში სტუდენტს გამოუმუშავდება თურქულ ენაზე სხვადასხვა ტიპის მარტივი, ადაპტირებული ტექსტების მოსმენის, გაგების, თარგმნის, ანალიზის, ინტერპრეტაციისა და რეპროდუქციის უნარი; შეასწავლოს თურქულიდან ქართულად და ქართულიდან თურქულად წერილობითი და ზეპირი თარგმანის სპეციფიკა.

4. თურქული ენა 4

Turkish language 4

კურსის გავლის შედეგად სტუდენტი შეძლებს საფეხურის შესატყვის დონეზე წერით და ზეპირ კომუნიკაციას; ასევე, თურქულ ენაზე კონკრეტულ და განსხვავებულ თემებზე შექმნილი ტექსტების კითხვას და საუბრისას მთავარი საკითხების გაგებას.

5. თურქული ენა 5

Turkish language 5

კურსის ფარგლებში სტუდენტი გაიდრმავებს ცოდნას თურქული ენის ფონეტიკურ-ფონოლოგიურ, მორფოლოგიურ და სინტაქსურ სისტემებზე; შეძლებს საბაზისო ლექსიკური

მარაგის გამდიდრებას, ტექსტის ლინგვისტური და ლიტერატურული ანალიზის ჩვევათა დახვეწას, თურქული ტექსტების კითხვის, თარგმნის და თხრობის უნარ-ჩვევათა გამტკიცებას.

6. თურქული ენა 6

Turkish language 6

კურსის ფარგლებში გათვალისწინებულია ფონეტიკურ-ფონოლოგიური, მორფოლოგიური და სინტაქსური სისტემების ცოდნის კიდევ უფრო გამყარება და გაღრმავება, შესასწავლი ენის საბაზისო ლექსიკური მარაგის გაზრდა. ასევე, თურქულად დამოუკიდებელი და თავისუფალი კომუნიკაციის დამყარების უნარის გამომუშავება.

7. თურქული ენა 7

Turkish language 7

კურსი გულისხმობს სტუდენტთა მომზადებას თურქულის პრაქტიკული ფლობისათვის, კონკრეტულად – ლექსიკის გამდიდრებას, განვლილზე უფრო რთული სინტაქსური კონსტრუქციების დაუფლებას, სტილისტურ ნიუანსებში გარკვევის უნარის ჩამოყალიბებას და სხვ. კურსის ფარგლებში შეთავაზებული მასალის ათვისების შემდეგ სტუდენტმა უნდა შეძლოს თურქულად თავისუფლად მეტყველება, აზრის სწორად ჩამოყალიბება, რთულ ტექსტებში გარკვევა, ენის მატარებლებთან სრულფასოვანი კომუნიკაციის დამყარება.

8. ძველი თურქული ლიტერატურის ისტორია

History of old Turkish Literature

თურქული ლიტერატურის ისტორიის კურსის ამოცანაა თურქული ლიტერატურის წარმოშობისა და განვითარების ეტაპების შესწავლა, თურქი მწერლებისა და პოეტების ნაწარმოებების გაცნობა და განხილვა, თურქული ლიტერატურის გაანალიზება მახლობელი აღმოსავლეთის ლიტერატურების ფონზე, თურქულ ლიტერატურაში ასახული ძირითადი ფილოსოფიური მიმდინარეობების შესწავლა.

9. ახალი თურქული ლიტერატურის ისტორია

History of new Turkish Literature

კურსის ფარგლებში სტუდენტები გაეცნობიან XVII- XIX საუკუნეების თურქული ლიტერატურის ძირითად ტენდენციებს, მათ ჟანრობრივ და ესთეტიკურ თავისებურებებს; განხილული იქნება ცალკეულ ავტორთა უმნიშვნელოვანესი ნაწარმოებები და მათში წამოჭრილი პრობლემემატიკა.

10. უახლესი თურქული ლიტერატურის ისტორია

History of newest/contemporary Turkish Literature

დისციპლინა მოიცავს უახლესი თურქული ლიტერატურის ისტორიის ზოგად კურსს; მისი გავლის შედეგად სტუდენტი გაეცნობა თანამედროვე თურქული ლიტერატურის ძირითად ტენდენციებსა და მათი ჩამოყალიბების პროცესებს.

11. თურქეთის ისტორია (შუა საუკუნეები)

History of Turkey (Middle Ages)

კურსი შეისწავლის ერთი კონკრეტული პერიოდის ოსმალეთის ისტორიას (1299-1774წწ.), მის კულტურას, რელიგიასა და დიპლომატიას; დისციპლინის ფარგლებში სტუდენტი გააანალიზებს, თუ რა მოვლენებს ჰქონდა ადგილი ოსმალეთის იმპერიაში; ასევე, შეაფასებს მასში შემავალ ქვეყნებში მომხდარ ფაქტებს.

12. თურქეთის ისტორია (ახალი და უახლესი პერიოდი)

Turkey (Modern and Contemporary Period)

კურსი შეისწავლის თურქეთის ახალ და უახლეს ისტორიას, კერძოდ, XIX-XX საუკუნის დასაწყისის ოსმალეთის ისტორიას, მის კულტურას, რელიგიას, დიპლომატიას. კურსის მსვლელობისას განხილული იქნება ის უმნიშვნელოვანესი მოვლენები, რომლებმაც გადაწყვეტი რილი ითამაშეს თურქეთის რესპუბლიკის შექმნასა და შემდგომ განვითარებაში.

13. თანამედროვე თურქეთი (პოლიტიკა, ეკონომიკა, საზოგადოება)

Turkey today (politics, economy, society)

კურსის ფარგლებში სტუდენტი გაეცნობა თურქეთის რესპუბლიკაში განვითარებულ მოვლენებს, ქვეყნის ეთნიკურს შენადგენლობას, პოლიტიკური პარტიების მოღვაწეობას, რელიგიისა და სახელმწიფოს ურთიერთობას, სახელმწიფოს ეკონომიკური მდგომარეობას და სხვა მნიშვნელოვან საკითხებს.

14. თურქულ-ქართული ენობრივი და ლიტერატურული ურთიერთობანი

Literary and linguistic relationship of Turkish and Georgian languages

კურსის ფარგლებში სტუდენტი შეძლებს თურქული წარმომავლობის ხალხთა ლექსიკაში დადასტურებული ქართველური ლექსიკური ერთეულებისა და ქართველურ ენებში დადგენილი თურქული წარმომავლობის სიტყვების აღნუსხვას და ქართველური ენებიდან თურქულ ენებში შესული და თურქული ენებიდან ქართველურ ენებში ნასესხები ერთეულების ლექსიკონის შედგენას; ასევე, ქართულიდან თურქულად და თურქულიდან ქართულად თარგმნილ ლიტერატურულ თხზულებათა შესწავლა-შეჯერებას.

15. *თურქულიდან ქართულად თარგმნის თეორია და პრაქტიკა*
Theory and practice of translating from Turkish into Georgian

კურსის ფარგლებში სტუდენტები გაეცნობიან თარგმანის თანამედროვე თეორიებს. სტუდენტი იძენს თარგმნის ზოგიერთ ავტომატურ ჩვევას, იწაფება მყარ სინტაქსურ და ფრაზეოლოგიურ კონსტრუქციებსა და თანამედროვე ტერმინოლოგიაში, რომლებიც, ჩვეულებრივ, გამოიყენება ოფიციალურ გამოსვლებსა და დიალოგებში, პრესაში, ოფიციალურ და პირად კორესპონდენციაში.

16. *თურქულ ენათა შესწავლის შესავალი*
Introduction to the Study of Turkish Languages

კურსის ფარგლებში სტუდენტები გაეცნობიან თურქოლოგიას, როგორც აკადემიურ დისციპლინას, შეისწავლის ალთაურ და ურალურ-ალთაურ თეორიებს, გაანალიზებენ თურქულ ენებში 15 მკვდარ და 39 ცოცხალ ენობრივი ერთეულის შემცველ დიდ ენობრივ კონგლომერატს; ასევე, გაეცნობიან თურქული მოდემის ხალხთა მიგრაციებსა და მათ შედეგად სახენაცვალ გეოგრაფიულ არეალს.

17. *ისლამი (რელიგია, ისტორია, ცივილიზაცია)*
Islam (Religion, History, Civilization)

კურსის ამოცანაა ისლამის, როგორც რელიგიისა და სოციალური ინსტიტუტის, მისი ისტორიის შესწავლა; ასევე, მოციქულ მუჰამედის მოღვაწეობის შეფასება ახალი მონოთეისტური რელიგიისა და პირველი ისლამური სახელმწიფოს შექმნის კონტექსტში. სტუდენტი გაეცნობა ისლამის ძირითად მიმართულებებს (სუნიზმი, შიიზმი, ხარიჯიზმი) და თეოლოგიურ დოქტრინებს; მუსლიმურ საზოგადოებაში სოციალურ-ეკონომიკურ ურთიერთობებსა და თანამედროვე მუსლიმურ სამყაროში არსებულ აქტუალური პრობლემებს. განსაკუთრებული ყურადღება ეთმობა საქართველოში მუსლიმური თემების ისტორიის შესწავლას.

არჩევითი კურსები
(Optional courses)

1. *ახლო აღმოსავლეთის ქვეყნებისა და საქართველოს ისტორიული ურთიერთობები*
Historical Relations of the Middle East Countries and Georgia

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლო აღმოსავლეთის ქვეყნებთან (არაბული ქვეყნები, ირანი, თურქეთი) საქართველოს მრავალსაუკუნოვანი ისტორიული ურთიერთობის პოლიტიკურ-იდეოლოგიურ, სოციალურ-ეკონომიკურ და კულტურულ ასპექტებს; განსაკუთრებული

ყურადღება დაეთმობა იმ აღმოსავლური (არაბული, სპარსული, თურქული) წყაროების გაანალიზებას, რომლებიც შეიცავს ცნობებს საქართველოს შესახებ.

2. აღმოსავლური კულტურა

Oriental Culture

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლოაღმოსავლური კულტურის წარმოშობისა და განვითარების ისტორიას; სტუდენტები გაეცნობიან მუსლიმ მეცნიერთა წვლილს ჰუმანიტარული და საბუნებისმეტყველო მეცნიერებების ჩამოყალიბებაში, ასევე მუსლიმური კულტურის ზეგავლენას დასავლეთ ევროპის ქრისტიანულ კულტურაზე, არაბულ-მუსლიმური კულტურის გამოვლინების ფორმებს საქართველოში, საქართველოდან გამოსულ მუსლიმთა როლს საერთო მუსლიმური კულტურის შექმნაში.

3. ახლო აღმოსავლეთის საზოგადოებრივი გეოგრაფია

Human Geography of the Middle East

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლით საქართველოს მეზობელი ვრცელი რეგიონის - ახლო აღმოსავლეთის - სოციალურ, კულტურულ, ისტორიულ, პოლიტიკურ და ეკონომიკურ გეოგრაფიას; სტუდენტი შეიძენს ფართო განათლებას ზემოჩამოთვლილი დისციპლინების ფარგლებში და შეძლებს გეოგრაფიულ და ისტორიულ ურთიერთკავშირებში გარკვევას.

4. ქართული ტექსტის ლინგვისტურ-სტილური ანალიზი 1

Linguistic-stylistic Analysis of the Georgian text 1

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი სტუდენტს მისცემს ფართო ცოდნას ქართული ენის გრამატიკის, კერძოდ, სახელთა ჯგუფთან დაკავშირებულ ყველაზე ძირითად საკითხებში; ამასთანავე, კურსი ითვალისწინებს სამეტყველო ენის დახვეწასა და, ზოგადად, ენობრივი კულტურის გაუმჯობესებას.

5. ქართული ტექსტის ლინგვისტურ-სტილური ანალიზი 2

Linguistic-stylistic Analysis of the Georgian text 2

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსის ფარგლებში მოხდება განვლილ საფეხურზე (ქართული ტექსტის ლინგვისტურ-სტილური ანალიზი 1) მიღებული ცოდნის განმტკიცება და გაღრმავება, რაც, თავის მხრივ, უმნიშვნელოვანეს დახმარებას გაუწევს სტუდენტებს, გამოუმუშავდეთ კომპარატიული აზროვნების უნარი. კურსი, აგრეთვე დიდ გავლენას მოახდენს ფილოლოგიური, კერძოდ კი, ლინგვისტური აზროვნების მასშტაბის გაფართოებაში.

6. ლიტერატურატურის ტიპოლოგიური კლასიფიკაცია

Typological classification of literature

(არაბისტიკის, ებრაისტიკა-არამეისტიკისა და თურქოლოგიის საბაკალავრო პროგრამების არჩევითი საგანი)

კურსი მოიცავს და განიხილავს ლიტერატურული სისტემის კლასიფიკაციას გვარებად, ჟანრებად და სახეებად. მისი ამოცანაა ცალკეული ლიტერატურული გვარებისა და ჟანრების ზოგად კანონზომიერებათა აღწერა, მსგავსებათა გამოვლენა, განსხვავებათა დიფერენციაცია, ჟანრულ ქვესახეობათა სრულყოფილად წარმოჩენა და გააზრება ეპოქალური მოვლენების კონტექსტში.

7. *თანამედროვე არაბი ავტორი ორიგინალში (სირიულ-ამერიკული ლიტერატურული სკოლა)*

Modern Arabic Author in the Original (Syrian-American Literary School)

(არაბისტიკის საბაკალავრო პროგრამების არჩევითი საგანი)

კურსის მსვლელობისას გათვალისწინებულია სტუდენტის გაწაფვა ორიგინალური, არადაპტირებული არაბული მხატვრული ტექსტის კითხვაში და ამისთვის აუცილებელი უნარების გამომუშავება. ამ მიზნით შერჩეულია სირიულ-არაბული ლიტერატურული სკოლის ორი კორიფეს - ჯებრან ჯებრანისა და ამინ რეიჰანის მცირე ფორმატის მხატვრული პროზა.

8. *სირიული დიალექტის ელემენტარული პრაქტიკული კურსი*

The elementary practical course of Syrian Arabic Dialect

(არაბისტიკის საბაკალავრო პროგრამების არჩევითი საგანი)

კურსის ფარგლებში სტუდენტი პრაქტიკულად შეისწავლის სირიული დიალექტის სპეციფიკას და საფუძვლებს, რაც გულისხმობს მოცემულ ენობრივ სივრცეში (სირია, ლიბანი, იორდანია, პალესტინელი არაბები) მოქმედი სასაუბრო არაბულის შეთვისებას და მის სრულყოფას.

9. *ეგვიპტური დიალექტის ელემენტარული პრაქტიკული კურსი*

The elementary practical course of Egyptian Arabic dialect

(არაბისტიკის საბაკალავრო პროგრამების არჩევითი საგანი)

კურსი შეასწავლის სტუდენტს ეგვიპტურ დიალექტზე მეტყველების ელემენტარულ უნარებს, რათა ეგვიპტურ გარემოში ყოფნისას კურსდამთავრებულისთვის არ იყოს ძნელი პირველადი საკომუნიკაციო კონტაქტების დამყარება იმ პირებთან, რომელთაც არ იციან სალიტერატურო არაბული, ან ურჩევნიათ ეგვიპტურ დიალექტზე მეტყველება.

10. *ნიჰამის ენა რომანული პოემების მიხედვით (ტექსტის ლინგვისტური ანალიზი)*

Nizami's language according to romantic poems (Linguistic analysis of text)

(ირანისტიკის საბაკალავრო პროგრამების არჩევითი საგანი)

დისციპლინა შეისწავლის შუა საუკუნეების სპარსულენოვანი პოეზიის უდიდესი წარმომადგენლის, ნიზამი განჯელის (1141-1209) ენას. ამ თვალსაზრისით, კურსის მსვლელობისას განიხილება პოეტის ორი რომანული პოემა - "ხოსრო ვო შირინი" და "ლეილი ვო მაჯნუნი." შერჩეული ფრაგმენტები გაანალიზებულია ლინგვისტური თვალსაზრისით, რაც მოიცავს ტექსტის დაწვრილებით ანალიზსა და თავისებურებათა გამოყოფას.

11. სპარსული ფოლკლორი

Persian Folklore

(ირანისტიკის საბაკალავრო პროგრამების არჩევითი საგანი)

კურსის ფარგლებში სტუდენტები გაეცნობიან ირანელების ზეპირსიტყვიერებას. სპარსული ფოლკლორის სწავლება მოიცავს სამ ბლოკს: I. ზოგადი ფოლკლორისტიკის ელემენტები; II. ირანული ფოლკლორისტიკის ისტორია; III. სპარსული ფოლკლორის ნიმუშები.

12. ოსმალური ენა 1

The Ottoman Turkish Language

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი შეისწავლის არაბულ გრაფიკას, კონსონანტთა გადაბმის წესებს, ხმოვანთა სისტემას, მიიღებს საბაზისო ცოდნას ოსმალური ენის ფონეტიკა-ფონოლოგიასა და მორფოლოგიაში. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას.

13. ოსმალური ენა 2

The Ottoman Turkish Language

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი გაიდრმავებს წინა საფეხურზე (ოსმალური ენა 1) მიღებულ ცოდნას მორფოლოგიაში და შეისწავლის სინტაქსის ძირითად საკითხებს. განსაკუთრებული ყურადღება დაეთმობა ენაში დამკვიდრებულ არაბულ კონსტრუქციებს, არაბული ზმნის თემათა სისტემას. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას და გამოუმუშავდება ამ საგანში მუშაობისთვის საჭირო უნარ-ჩვევები.

14. ებრაული და არამეული ენების ისტორიული ფონეტიკა და ფონოლოგია

History of phonetic and phonology system of Hebrew and Aramaic languages

კურსი შეისწავლის ებრაული და არამეული ენების ფონეტიკისა და ფონოლოგიის ძირითად თავისებურებებს, როგორც სინქრონულ, ისე დიაქრონიულ ჭრილში, გაანალიზებენ სხვა სემიტურ ენებთან ებრაული და არამეული ენის მსგავსება-განსხვავებასა და ურთიერთმიმართებებს.

15. ხეთური ენა 4

Hittite language 4

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას აქცენტი კეთდება ლექტორის მიერ შემოთავაზებული სხვადასხვა ჟანრის და ნებისმიერი სირთულის ხეთურ ტექსტზე მუშაობაზე, მათ გრამატიკულ-ფილოლოგიურ ანალიზზე. სტუდენტი უნდა გაიწაფოს ტექსტის ლურსმული პირის კითხვაში და შეძლოს ტრანსლიტერაციის გაკეთება ნებისმიერი ხეთური ლურსმული ტექსტისა (იგულისხმება ტექსტი, რომელიც არ არის გამოცემული ან არ ყოფილა ლექცია-სემინარებზე სპეციალურად დამუშავებული).

16. შუმერული ენა 4

Sumerian language 4

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი გაიღრმავებს და განიმტკიცებს წინა საფეხურებზე (შუმერული ენა 1–3) მიღებულ ცოდნას, რის შედეგადაც იგი შეძლებს დაამუშაოს ნებისმიერი სირთულის შუმერული წერილობითი ძეგლი, რაც გულისხმობს ტექსტის ტრანსლიტერირებასთან ერთად, მისი ტრანსკრიფციის მომზადებას.

17. შუმერული მწერლობა

Sumerian literature

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის, შუმერული ლურსმული დამწერლობისა და მწერლობის სხვადასხვა დარგის შესახებ არსებულ ზოგად მახასიათებლებს. სტუდენტი შეიძენს სისტემურ ცოდნას ლურსმული დამწერლობის არსში და გაეცნობა სხვადასხვა შინაარსის მქონე შუმერულენოვანი ტექსტის თავისებურებებს.

18. შუმერული ენიდან თარგმანის თეორია

Theory of translation into Sumerian Language

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის საკვანძო საკითხებს. სტუდენტი წარმოდგენილი მაგალითების გარჩევისას ხელმეორედ დაუბრუნდება შუმერული ენის გრამატიკას და უფრო ღრმად გაიაზრებს ენის სტრუქტურას. გაარჩევს ნაწყვეტებს თარგმნილი ტექსტებიდან შესაბამისი კომენტარებით. შედეგად სტუდენტი გაერკვევა ამ ურთულესი ენიდან თარგმანის საკითხებში. სალექციო კურსი მომზადებულია უახლეს გამოკვლევებზე დაყრდნობით.

19. გილგამეშის ეპოსი

Epic of Gilgamesh

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას სტუდენტი შეისწავლის და დაამუშავებს სამხრეთ შუამდინარეთის ლიტერატურულ ძეგლებს, კერძოდ ქ. ურუქის ლიტერატურული ტრადიციის გვირგვინს – გილგამეშის ეპოსის ყველა ვერსიას.

20. აქადური ენა 4

Akkadian Language 4

(ასირიოლოგიის საბაკალავრო პროგრამის არჩევითი საგანი)

კურსის გავლის შედეგად ბაკალავრი გაიღრმავებს და განიმტკიცებს წინა საფეხურებზე (აქადური ენა 1,2,3) მიღებულ ცოდნას. სტუდენტები წაიკითხავენ აქადურ ენაზე შესრულებულ სხვადასხვა ჟანრის (ლიტერატურულ, ისტორიულ, რელიგიურ, მითოლოგიურ) ტექსტებს, შეისწავლება აღნიშნული ტექსტების ტრანსლიტერირება, ტრანსკრიბირება, გრამატიკული ანალიზი და თარგმანი.

21. ეგვიპტური ენა 1

Egyptian language 1

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი შეისწავლის ეგვიპტური ენის გრამატიკის საფუძვლებს, გაეცნობა ეროგლიფური დამწერლობის თავისებურებებს, თანდათან შეაჩვევა ეროგლიფური ტექსტების კითხვას და ტრანსლიტერაციას.

22. ეგვიპტური ენა 2

Egyptian language 2

(ასირიოლოგიის საბაკალავრო პროგრამის არჩევითი საგანი)

კურსი, არსებითად, ეგვიპტური ენა 1-ის გაგრძელებაა. მისი გავლის შედეგად სტუდენტი დაეუფლება რთულ გრამატიკულ კონსტრუქციებს და შეივსებს ლექსიკურ მარაგს. ნასწავლი გრამატიკული და ლექსიკური მასალის განმტკიცდება სათარგმნი ტექსტებითა და სავარჯიშოებით.

23. ეგვიპტური ენა 3

Egyptian language 3

(ასირიოლოგიის საბაკალავრო პროგრამის არჩევითი საგანი)

კურსის ფარგლებში გათვალისწინებულია წინა საფეხურზე (ეგვიპტური ენა 1,2) მიღებული ცოდნის გაღრმავება და განმტკიცება. შედეგად, სტუდენტს საშუალება მიეცემა თარგმნოს ეგვიპტურ ენაზე დაწერილი ნებისმიერი სირთულისა და ჟანრის ტექსტი.

24. ურარტული ტექსტები

Urtian texts

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი ურარტული ტექსტების კითხვის მეშვეობით გაეცნობა ურარტული ენისა და დამწერლობის საფუძვლებს, ურარტუს ისტორიასა და კულტურას.

25. ასირიოლოგიის შესავალი

Introduction to Assyriology

(ასირიოლოგიის საბაკალავრო პროგრამის არჩევითი საგანი)

კურსი შეისწავლის ასირიოლოგიის რაობას, მის ქრონოლოგიურ და გეოგრაფიულ ჩარჩოებს, თემატიკას, ძირითად პრობლემატიკას და მათი შესწავლის მეთოდოლოგიურ საფუძვლებს.

26. ბუდიზმი

Buddhism

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის უძველეს მსოფლიო რელიგიას – ბუდიზმსა და ბუდისტურ სამყაროს, მისი არსის წარმოშობის ისტორიას, მთავარ მიმდინარეობებს, გავრცელების არეალსა და მნიშვნელობას მსოფლიო კულტურის საგანძურში. კურსის ფარგლებში აზიის დიდი სახელმწიფოების (ინდოეთი, ჩინეთი, კორეა, იაპონია) ნიმუშზე განიხილება ბუდიზმის, როგორც ფილოსოფიურ-რელიგიური მოძღვრების, სპეციფიკური ნიშან-თვისებები ისტორიული განვითარების სხვადასხვა ეტაპებზე.

27. იაპონიის ახალი და უახლესი ისტორია

Modern and Contemporary History of Japan

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის იაპონიის ისტორიის საკვანძო საკითხებს პოლიტიკური, სოციალურ-ეკონომიკური და კულტურული პროცესების სპექტრში; საერთაშორისო ურთიერთობების ფონზე (ახალი და უახლესი პერიოდი) ქრონოლოგიური თანმიმდევრობით განიხილება ისტორიული ფაქტები და მოვლენები იაპონიაში ტოკუგავას დინასტიის მმართველობის ხანიდან (1603-1867) მოყოლებული თანამედროვე პერიოდამდე.

28. იაპონიის ეკონომიკა

Economic of Japan

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; იაპონიის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან იაპონიის ეკონომიკური განვითარების მდიდარ გამოცდილებას.

29. ჩინეთის ახალი და უახლესი ისტორია

Modern and Contemporary History of China

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის ისეთ საკვანძო საკითხებზე, როგორცაა ჩინეთის პოლიტიკა I და II მსოფლიო ომში, ჩინეთის სახალხო რესპუბლიკის ჩამოყალიბება, მათი მდგრადი

მმართველობა, “კულტურული რევოლუციის” კრახი, ჩინეთის ახალი ეკონომიკური პოლიტიკა, სოციალური და ფინანსური რეფორმები, საგარეო და საშინაო პოლიტიკა, ჩინეთ-საქართველოს ურთიერთობები.

30. ჩინეთის ეკონომიკა

Economic of China

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; საგანგებო ყურადღებას გამახვილებულია ჩინეთის სოციალურ-ეკონომიკური განვითარების თავისებურებებზე; ჩინეთის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან ჩინეთის ეკონომიკური განვითარების მრავალფეროვნებასა და გამოცდილებას; წარმოჩნდება მსოფლიო ეკონომიკაში ჩინეთის სამეურნეო განვითარების როლი.

31. ევროპელების შეღწევა და ქრისტიანობის გავრცელება შორეულ აღმოსავლეთში

Penetrate of the Europeans and Spread of Christianity in the Far East

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნებში ევროპელების გამოჩენის ისტორიას, ქრისტიანობის გავრცელებასა და მის შემდგომ ბედს შესასწავლ რეგიონში. ყურადღება აქცენტირებულია იმ გარემოებაზე, რომ უძველესი ტრადიციებისა და ფილოსოფიურ-რელიგიური მოძღვრების მძლავრ კერებში დასავლეთიდან შეღწეულმა ქრისტიანულმა სარწმუნოებამ საგრძნობი გავლენა მოახდინა მათ პოლიტიკურ და კულტურულ ცხოვრებაზე.

32. ისტორიული ქალაქები და საქალაქო ცხოვრება შორეულ აღმოსავლეთში

Historical Cities and City Life in the Far East

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის (უმთავრესად ჩინეთისა და იაპონიის) ისტორიულ ქალაქებსა და საქალაქო ცხოვრებას. ყურადღება გამახვილებულია ისეთ სფეროებზე, როგორებიცაა: ქალაქების ისტორია, ყოველდღიური ყოფა-ცხოვრება, დემოგრაფია, ვაჭრობა-ხელოსნობა, მმართველობის ფორმები, საქალაქო კულტურა, სანახაობრივ-გასართობი დაწესებულებები და სხვა. შედარებითი ანალიზის საფუძველზე შესწავლილია სხვადასხვა რეგიონისა და ისტორიული პერიოდის ქალაქები, წარმოჩენილია მათი სპეციფიკური ნიშან-თვისებები.